

დამტკიცებულია

დირექტორის ბრძანებით

№02/41 7/09/2024

სკოლის ხარისხის მართვის ჯგუფის დებულება

მუხლი 1. ზოგადი დებულებები

1.1. სკოლის ხარისხის მართვის ჯგუფი (შემდგომში – „ჯგუფი“) წარმოადგენს სკოლის შიდა სტრუქტურულ ერთეულს, რომელიც უზრუნველყოფს ხარისხის მართვისა და სკოლის განვითარებაზე ორიენტირებული მექანიზმების დანერგვა-განვითარებას.

1.2. ჯგუფი ფუნქციონირებს სკოლის დირექტორის გადაწყვეტილებით და ანგარიშვალდებულია მასთან.

1.3. ჯგუფის საქმიანობა ეფუძნება ზოგად და ზოგადსაგანმანათლებლო სტანდარტებს, განათლების ხარისხის განვითარების ეროვნული ცენტრის მოთხოვნებსა და სკოლის შიდა დოკუმენტაციას.

მუხლი 2. ჯგუფის მიზანი და ამოცანები

2.1. ჯგუფის მიზანია სკოლაში ხარისხის მართვის სისტემის ჩამოყალიბება, განვითარება და მუდმივი გაუმჯობესება.

2.2. ჯგუფის ამოცანებია:

- სკოლის სტრატეგიული და წლიური განვითარების გეგმის შედგენაში მონაწილეობა;
- შიდა შეფასების პროცესის დაგეგმვა, კოორდინაცია და მონიტორინგი;
- მონაცემთა შეგროვება, ანალიზი და გამოყენება ხარისხის გაუმჯობესებისთვის;
- მასწავლებელთა პროფესიული განვითარების პროცესების კოორდინაცია და შეფასება;
- საგანმანათლებლო პროცესის მონიტორინგი და რეკომენდაციების შემუშავება;
- მშობლებისა და მოსწავლეების ჩართულობის ხელშეწყობა სკოლაში მიმდინარე პროცესებში;
- საგანმანათლებლო მიზნების შესაბამისი მოქმედებების მხარდაჭერა.

მუხლი 3. ჯგუფის შემადგენლობა

3.1. ჯგუფის წევრები ინიშნება სკოლის დირექტორის ბრძანებით.

3.2. ჯგუფის შემადგენლობაში შესაძლოა შედიოდნენ:

- დირექტორის მოადგილე სასწავლო-აღმზრდელობით დარგში;
- ხარისხის მართვის უზრუნველყოფის მენეჯერი;
- წარმომადგენელი/წარმომადგენლები საგნობრივი კათედრიდან;
- წარმომადგენელი მოსწავლეთა საბჭოდან
- წარმომადგენელი მშობელთა საბჭოდან

- პროფესიული განვითარების ჯგუფის წარმომადგენელი;

3.3. ჯგუფის წევრები ასრულებენ ფუნქციებს სათანადო პასუხისმგებლობით და უზრუნველყოფენ ეფექტურ კომუნიკაციას სკოლაში.

მუხლი 4. მუშაობის ფორმატი და პერიოდულობა

- 4.1. ჯგუფის სხდომები ტარდება არა ნაკლებ თვეში ერთხელ ან საჭიროებისამებრ.
- 4.2. სხდომები დაინიშნება ჯგუფის თავმჯდომარის ინიციატივით ან ჯგუფის წევრთა მოთხოვნით.
- 4.3. სხდომის ოქმი ინახება სკოლის დოკუმენტაციაში.
- 4.4. ჯგუფის მიერ მიღებული რეკომენდაციები და გადაწყვეტილებები წარმოადგენს დირექტორისთვის გადაწყვეტილების მიღების საფუძველს.

მუხლი 5. უფლებამოსილება და პასუხისმგებლობა

5.1. ჯგუფს უფლება აქვს:

- მოითხოვოს და გამოიყენოს ინფორმაცია სკოლის სხვადასხვა სტრუქტურისგან;
- წამოაყენოს ინიციატივები და რეკომენდაციები სკოლის ხარისხის გაუმჯობესების მიზნით;
- ჩართოს მშობლები, მოსწავლეები და საზოგადოება შიდა შეფასებისა და განვითარების პროცესებში.

5.2. ჯგუფი ვალდებულია:

- განახორციელოს საქმიანობა ობიექტურად და გამჭვირვალედ;
- უზრუნველყოს მონაცემების კონფიდენციალურობა და ეთიკური სტანდარტების დაცვა;
- ყოველწლიურად წარადგინოს ანგარიში შესრულებული საქმიანობის შესახებ.

მუხლი 6. საბოლოო დებულება

6.1. დებულებაში ცვლილებების შეტანა შესაძლებელია სკოლის დირექტორის ინიციატივით ან ჯგუფის წევრთა რეკომენდაციით.

6.2. დებულება შედგენილია მოქმედი კანონმდებლობის შესაბამისად და ძალაში შედის დამტკიცების მომენტიდან.